


La Bib pou ti moun prézanté



Soti nan pèsekisyon rive nan predikasyon



Ékri pa : Edward Hughes

Ilistré pa : Janie Forest
Alastair Paterson

Adapté pa : Ruth Klassen


Tradwi pa : Ausky Salomon

Pwodwi pa : Bible for Children
www.M1914.org

©2025 Bible for Children, Inc.

Lisans : Ou gen dwa pou copyé o swa fè fotocopi istwa sa,
dépi sé pa pou van-n ou fè li.

1




Bondye te fè
gwo bagay nan
mitan pèp li
a nan premye
jou legliz li a.

Yon nonm yo te rele
Filip t ap preche sou
Jezi nan yon gwo vil.
Men, Bondye te
voye li nan dezè a.
Poukisa ?


2



3



4



5



6




7



8

Men, anpil moun te rayi kretyen yo. Etyèn, youn nan zanmi Filip yo, te mouri anba men pèp la ki te fache paske yo te refize tande pale de Jezi. Yon nonm yo te rele Sòl, moun Tas (Tarse), te ede asasinen Etyèn. Sòl te rayi kretyen yo.




9

Sòl, ki t ap respire menas ak zak sasinay sou kretyen yo, te ale kote chèf sakrifikatè a epi li te mande l yon lèt ki pou pèmèt li arete nenpòt gason oswa fanm ki te kwè nan Jezi.



10

Pòv Sòl de Tas! Li pa te konnen lè l t ap pèsèkite pèp Bondye a, se Jezi menm li t ap pèsèkite. Bondye t apral arete Sòl. Men, kijan?




11

Bondye te kanpe Sòl! Pandan Sòl te sou wout pou l ale Damas, yon gwo limyè te soti nan syèl la. Sòl te tonbe atè epi li tande yon vwa.




12

Mesye ki te avèk li yo te tande vwa a, men yo pa te wè pèsèonn. Sòl te leve — epi li te jwenn li avèg! Yo te mennen li Damas.




"Ki moun ou ye, Senyè?" Sòl te rele byen fò. "Mwen se Jezi, moun w ap pèsèkite a." Sòl t ap tranble epi li te pè anpil, li te mande: "Senyè, kisa w vle pou mwen fè?" Senyè a di li: "Leve, antre nan vil la, epi y ap di w kisa w dwe fè."

13




14

Nan vil la, li te rete san l pa wè pandan twa jou, li pa te ni manje ni bwè. Petèt li te pase tan l ap priye Senyè Jezi, li te rankontre sou wout Damas la.




15

Pou Bondye, tout bagay te planifye. Nan vil Damas, te genyen yon disip ki te rele Ananyas. Senyè a te voye l al ede Sòl. Ananyas te pè. Men, li te obeyi Bondye. Lè li te mete men l sou Sòl, li te vin wè — epi Sòl te ranpli ak Sentespri Bondye a.




16

Sòl te batize. Apre sa, li te manje. Epi apre li te fin manje, li te vin gen fòs. Li te bezwen fòs ; yon bagay ki te enpòtan anpil t ap tann li.



17

Menm lè a, Sòl t ap preche Kris la nan sinagòg yo, li t ap di li se Pitit Bondye a. Kidonk tout moun ki te tande li te etone, epi yo t ap di : "Se pa li menm ki t ap pèsekite kreyen yo ?" Genyen kèk moun ki te fè konplo pou yo touye Sòl.



18

Lènmi Sòl yo t ap veye li nan pòtay vil la pou yo touye l si li t ap eseye kite vil la. Men, nouvo zanmi li yo, kreyen yo, te pran l yon jou lannuit epi yo te desann li nan yon panyen sou miray vil la.



19

Depi lè sa a, Sòl, pèsekite kreyen yo, te viv kòm yon disip fidèl nouvo Mèt li a, Senyè Jezikris.



20

Soti nan pèsekisyon rive nan predikasyon

Yon istwa soti nan pawòl Bondyé-a, la Bib,

Nap jwen-n nan

Travay Apot yo 8-9


"Pawòl Bondyé poté limyè."
Sòm 119 : 130

21

58

60

22



Istwa biblik sa rakonté nou kòman ké gen yon mèvèyé Bondyé
ki kréyé nou é ki vlé pou ou konnen Li tou.

Bondyé konnen ké nou fè mové aksyon ki rélé péché. Pinisyon pou péché sé lanmò. Sèlman Bondyé renmen nou si tèlman ké Li voyé sèl gren-n pitit Li-a Jézi, ki mouri sou lakwa pou nou, dékwa pou Li sa péyé dèt péché nou yo pou nou. Apré sa Jézi té résisité, é Li monté nan syèl la ! Ou men-m tou, si ou kwè nan Jézi é si ou mandé Li ak tout kè-w pou Li padoné péché ou yo, L'ap fè sa pou ou ! L'ap rantré nan lavi-w touswit é wap maché avèk Li pou tout tan.

Si ou kwè ké sa ou fèk sot tandé-a sé la vérité, résité priyé sa :
"Sényè Jézi, mwen kwè ké ou sé pitit Bondyé, mwen kwè ké ou té mouri pou mwen épi ou résisité ankò. Tanpri, rantré nan lavi mwen, padoné péché mwen yo, pou mwen sa gen yon nouvo lavi kounyé-a la, konsa lè gran jou-a va rivé, m'a va abité avè-w nan rwayòm ou an pou l'éternité. Édé-m obéyi-w é édém viv pou ou an tan ké pitit ou. Amèn.

Li La Bib ou épi palé ak Bondyé chak jou ! Jan 3 : 16

23